



TOSHKENT DAVLAT YURIDIK UNIVERSITETI REKTORINING B U Y R U G ' I

2021 -yil « 12 » avgust

08-208 -son

Ўзбекистон Республикаси адлия вазирининг 2021 йил 6 августдаги 235-ум-сон буйруғи ижросини таъминлаш тўғрисида

Ўзбекистон Республикаси Вазирлар Маҳкамасининг 2018 йил 24 июлдаги 573-сон қарори билан тасдиқланган Ўзбекистон Республикаси Адлия вазирлиги юридик техникумлари битирувчиларини Тошкент давлат юридик университети бакалавриатига ўқишга қабул қилиш тўғрисидаги низом ҳамда Ўзбекистон Республикаси таълим муассасаларига ўқишга қабул қилиш бўйича Давлат комиссияси мажлисининг 2021 йил 26 июлдаги 2-сон баёни, шунингдек Ўзбекистон Республикаси адлия вазирининг 2021 йил 6 августдаги 235-ум-сон буйруғи ижросини таъминлаш мақсадида

Б У Ю Р А М А Н :

1. Ўзбекистон Республикаси адлия вазирининг 2021 йил 6 августдаги “Ўзбекистон Республикаси Адлия вазирлиги юридик техникумлари битирувчиларини Тошкент давлат юридик университетида яқка тартибда суҳбат ўтказиш орқали ўқишга қабул қилиш бўйича ташкилий чора-тадбирлар тўғрисида”ги 235-ум-сон буйруғи маълумот ва ижро учун қабул қилинсин.

2. Буйруқ билан қуйидагилар:

Давлат комиссияси мажлисининг 2-сон баёни билан Тошкент давлат юридик университетида (кейинги ўринларда – ТДЮУ) 2021/2022 ўқув йилида Вазирлар Маҳкамасининг 2018 йил 24 июлдаги 573-сон қарорига мувофиқ яқка тартибдаги суҳбат орқали ўқишга қираётган, хорижий тилларни В2 ва ундан юқори даражада билиши бўйича миллий ёки халқаро сертификатларни жорий йилнинг 25 майидан кейин, бироқ яқка тартибдаги суҳбатгача бўлган вақтда қўлга киритган Адлия вазирлиги юридик техникумларининг битирувчиларига, истисно тариқасида, махсус комиссиялар томонидан

йўлланмаларни бериш масаласини кўриб чиқиш ва уларни якка тартибдаги суҳбатга киритишга рухсат берилганлиги;

адлия вазирининг 2021 йил 1 июлдаги 198-ум-сон буйруғи билан Ўзбекистон Республикаси Адлия вазирлиги юридик техникумлари ҳамда ТДЮУ қошидаги академик лицейнинг битирувчиларини Тошкент давлат юридик университетига якка тартибда суҳбат ўтказиш орқали ўқишга қабул қилиш учун суҳбат комиссияси ташкил этилганлиги инобатга олинганлиги;

ТДЮУнинг университет бакалавриатига ўқишга қабул қилиш учун абитуриентлар билан якка тартибдаги суҳбатни жорий йилнинг 13-14 август кунлари ўтказиш тўғрисидаги таклифи маъқулланганлиги маълумот ва ижро учун қабул қилинсин.

3. Қабул комиссияси масъул котиби В.Давлятов:

якка тартибдаги суҳбат ўтказиш муддати ва вақти бўйича университет сайти ва ижтимоий тармоқларида эълонларни жойлаштирсин ҳамда абитуриентлар учун маслаҳатлар ташкил этсин;

якка тартибдаги суҳбатни ўтказиш учун бино ва аудиториялар тайёрланишини таъминласин.

4. Электрон университет маркази (А.Каримов):

якка тартибдаги суҳбат жараёнида юқори даражада очиклик ва шаффофликни таъминлаш мақсадида суҳбат жараёни ва натижаларини қайд этишда видео ва аудиоёзувлардан фойдаланиши ҳамда суҳбат жараёнини ТДЮУнинг Youtube ижтимоий тармоғида онлайн режимда трансляция қилинишини ва унинг тармоқда сақланишини;

суҳбат жараёнида саволлар абитуриент томонидан ахборот технологияларидан фойдаланган ҳолда махсус электрон дастур орқали тасодиқий равишда танланиши учун зарур чора-тадбирлар кўрилишини таъминласин.

5. Мониторинг ва ташкилий-назорат бошқармаси (Д. Махкамов) ушбу буйруқни ТДЮУ манфаатдор таркибий бўлинмаларига етказсин.

6. Мазкур буйруқнинг ижросини назорат қилиш халқаро ҳамкорлик ва узлуксиз таълим бўйича проректор Д. Умаров зиммасига юклансин.

Ректор в.в.б.

И.Рустамбеков